

獐

園

繪園第二目錄

仙幻

葫蘆藏世界

卸足道人

金水橋幻戲

掌心雷

吹雨

一莖草

字誤書草

玄愷神

夜遊滇南

劍叛

盜獻黃絹囊

魚戲

画屏女

拂雲見月

擲杯

飛劍斬湖蛟

移樹

稅宅

器闕

分厨

送別楊子

宦背翁

林道人指石

太乙星君授法

江長老

端和尚

紫霞碧洞

天醫

折翮鶴兒

龔兒樣

顧亭

代草解頭文字

金姐

萬家牧牛兒

帝索紫金梁

世廟宮中仙戲

偷桃小兒

僧中幻

劉刑部兒

吳叟遇仙

蒞任青城山

雲中畫舫

繪圖第二目錄終

繪圖第二

明吳會士人錢希言新撰
宛州尚書郎馬之駿校錄

仙幻

葫蘆藏世界

山陰墟生號衡陽山人、名自忍、居閨闥中、乃凡民也。目不知書、少年販茶入天姥山中、遇神仙傳受變化隱形之術、五雷請雨之法、試之奇驗、五符五呪、兩立注如傾矢、又通曉搬運之法、果穀蔬饌、所至無不畢致、分杯結霧、化竹釣錨、無所不工、無所不曉、杖頭挂三葫蘆、大如杯、一日醉後謂衆客曰、某有奇術自古

鉛

無有。今日請為諸君設之。不足聞于外也。衆欣然應。教曰。敢不如命。生遂解下三葫蘆。用五色絲繩三尺許繫之。絙于席端。按亥卯未三方安置。既定。指南邊者曰。此第一天界。指左曰。此第二天界。指右曰。此第三人界。于是揭三葫蘆蓋。使衆聚觀之。洞然無一物在。然後復掩却。塲生口中喃喃誦胡僧呪一遍。次第絙起繩蓋。頃之。第三葫蘆中陡然震動。見人馬無數。皆長二三寸。官寮將吏。士女老稚。隊仗音樂。提携負戴。還從繩上行。至農賈漁獵之具。踵接肩摩。毛髮分明。細若刻鏤。雜然趨赴于第二葫蘆中。生口中仍復誦呪如前。呪畢。但聞其中錯錯然作銅鉄之聲。聞

于外。又鬼嘯非常。須臾推出一隊牛頭馬面、獄卒、鬼
叉、奇貌鬼神、引罪人皆披枷帶鎖現種。地獄變相。
齊趨入南邊第一葫蘆中。在又復誦呪如初。忽見湧
出天人、玉女、珠璣寶蓋、玉皇香案在前。其後擁諸佛
菩薩、帝釋、龍神、及所乘馬、駝、獅、象、四足之屬。一一現
形莊嚴具足。其來如風。其去如雨。却走進第三葫蘆
中。諸頂蓋一時悉下。寂然無聲。抖擻葫蘆。復收拄杖。
頭視之都亡有矣。據生後棄茶業。辭家入四明山云。
不知所終。張君去非親遇其事。說云。然耳。按原化記。
載嵩山潘老人懷中一葫蘆子。林席幕。凡是用度。悉
納其中。無所不受。夜則于空室內陳列。時有見者。又

酉陽雜俎載劍門負笈老翁。盡取侯適奴妾十餘人。投之書笈。負之而趨。走若飛鳥。又遂州村民。于世尊前能自作阿彌陀佛。宮殿池沼。一如西方。男女俱集念佛而已。詳璩生伎倆。豈嵩山劍門遂州之流乎。不然。其理莫曉。非所云不可思議者耶。

卻足道人

已上二條皆金箱張事

國初金箱張者。山西平陽府人也。世造金箱為業。人呼之為金箱張。其子二郎。聰偶不凡。少遇仙流授以廬廬蹻經一卷。遂得乘蹻之術。閭里駭其所為。一日有羽衣人過其門曰。家師亦挾小小奇術。二郎不棄。明日遣騎相迎。到敝莊觀之。黎明果有兩童子各乘

一龍自雲中下來復牽一龍來迎三龍繫在一處有
有頃請二郎乘龍之狎甚昂首不伏童子出袖中軟
玉鞭之之二郎乃騰身而上行數里至一山谷中花
木繽紛陂陀連接泉石幽邃洞壑杳冥倏忽眺望之
際俄達茆庵矣二童子先入庵啓報羽衣人亦已在
門傳呼延入見一道人龐眉古服坐匡牀之上雙足
却拄壁間相去猶尋丈也二郎欲拜道人曰且止勿
前老漢久卸膝蓋骨以自便倚足于壁不踏世上紅
塵矣今日不免為郎君一下牀也於是揮手招壁間
雙足自行前著膝上幅輳如常人遂下牀具賓主禮
呼室中童子煮新茶供客茶至則一無首童子也道

人責曰、對佳客、乃簡率若此、亦可速戴頭來、童子舉手捫其頸、遽入室、取頭戴之、便出、供茶如初、致席于地、坐談良久、命治具、款卽君、膾青龍肝為膳、二郎媿謝再三、道人曰、屠龍是家僮常伎耳、卽君莫怪、須臾見童子牽一青龍于階下、引短劍斷龍首、龍心蜿蜒就屠、先剖其腹、次取其肝、切肉作膾、聚肝其上、燔之、爪牙鱗角俱垂于地、少焉登俎、五采爛然、二郎疑不敢食、道人連啗數器、擘龍肝食之、都盡、二郎觀其風貌、聽其話言、莫可測識、自謂世之所無也、因留侍數月、盡其術、然後告歸、送門、庵門忽風起塵揚、天地晝晦、俄而清霽、道人與茆庵都不見矣、四顧皆黃沙白

草之鄉無復花木陂陀泉石洞壑訊之乃在大同渾源州北獄恒山下步行旬日始得還家

金水橋幻戲

平陽張二郎嘗與客同詣水邊見羣魚游泳客問此魚可作羹乎二郎曰可第君所須幾頭耳客限其數二郎便丸泥投水中頃之有魚長尺許者鱗鱗躍岬果符前數二郎嘗聞濟源靈湫之奇親詣觀之知其伏机所為歸而效焉穿一池亦能出物人以為巧高皇帝聞其術神召見便殿問曰爾有何道術也二郎奏曰臣能開頃刻蓮花時方二月春陽媚和乃出袖中一小銅餅子注以淨水須臾見五采雕雲弥布

殿闕於是請上御金水橋觀之。二郎解領巾內一小玉合，倒出石蓮子七枚，徧撒水中。俄見荷葉田田，漸大如蓋，倏焉茁茁挺生矣。笑葉交映，花香遠馥，芳風落川，過而晴者，咸謂神仙幻出矣。久之，二郎翦雲藍紙作小舟，吹落水面。具奏曰：「此採蓮船也。」上曰：「卿能駕以行乎？」曰：「能。」曰：「能使疎身登舟而發。」復具奏曰：「臣少習于吳歌，請為陛下奉清燕之娛。」曼曼初引，林容颯飛，韻溢陽春，玩深綠水，朝貴相與聳聽。宮嬪為之駐愁，歌竟往來蕩漾花叢之間。衆中遙見二郎妻子僮僕悉在此舟，共載更唱迭和，嬉游水央。是時聖情大懌，龍顏和暢，趣命出金帛賞賚。忽有

飄風從東南來，煙波騰沸，雲霧晦霾，人舟荷花都無所見。

掌心雷

已下五條皆張皮崔遺事

張皮崔既得胡風子術，日賣掌心雷。里中群兒每持一錢與之，便以朱書雷字於其掌心。兒趨鬧市中，揚言曰：雷來矣！雷來矣！舒掌即作殷之之聲，騰于空中。市人仰視青天，無不駭異。久之漸止而止。

吹雨

一日張皮崔行玄妙觀門外，見洗白家曝衣帛在市。呼之曰：煮茶來啜。其人不應，便書一符，吹去西北角。驟雨如傾，點污衣帛，使其家明日重洗。

一莖草

張皮崔嘗與諸少年戲賭同看市行女子足之大小就地拾一莖稻草橫置之女子行者誤視為溝競蹙裳而跨之又戲謂諸少年曰吾欲此女搨肩而行何如復擲莖草于地女便舉手搨之入問女何故而並道士肩答曰吾自不知何故也見大溝：傍有枯樹遂並之而過矣

字誤書草

張皮崔好飲酒食狗肉適民家建醮衆道士飛章告玄向空上焚只候反崔登壇皮崔大醉而來語衆道士曰速收醮筵雷火且至緣所上之章有字失體復

草書上帝大怒咸被棄擲且命火部譴其不敬矣衆道士云未嘗誤也皮雀忽于袖中出所焚之章示之宛然淨奈封題印署如故字誤書草一符其言有頃雷電駭空自北而至飛火環其廬焚燒盡矣

玄壇神

張皮雀常畜一雞于玄壇祠下皮雀出門謂玄壇神曰鬚子照管家畜莫被人攘去也鎖其門以鑰挂門上而出里中無賴少年闖之使竊啟視攘雞在抱欲出不能但于庭際旋繞左衝右突而已伺皮雀歸哀鳴求之笑而釋去人問少年汝既攘雞何以不走答曰身如被繫欲逃不得後遂莫敢犯焉

夜游滇南

已下十三條皆李福達事
王徵君稱登竹壑席上談

嘉靖初有李福達者扶溝縣人也故為千侯能分身
散影役使山魃坐致行廚興騰雲雨飛砂走石靈奇
幻設之事不可勝紀世莫知其授也是時大獄始定
閣臣張桂二公秉朝政以其妖妄惡之械繫甚堅使
獄卒共守而報京城內外戲場聚處皆有福達又驚
傳玉河橋酒館中有一福達常與道士對談共飲看
驗無差二公不信命悉縛來力士縛得兩人至餘皆
遁去擁至廳事前伏于階下起而細視其貌乃是兩
政府中老蒼頭也二公大怒將加拷掠都督：如醉
夢中不知身所由出及使人視械繫處真福達故在

也、命祕其策、不以上聞。世宗皇帝方好神仙、親召福達至、遣中官破其械于五鳳門外、欲面供奉內庭。二公密奏不可、乃止。福達僅獲免死、謫戍雲南邊衛矣。故事、遣戍必有兩步健守押以防逸去。李謂步健曰、向某所以不遠遁者、為此業報未償。今償畢矣。汝曹相逼、意欲何為？步健曰、公神人也、何敢他阻、但無以復命、亦當獲譴、欲得雲南文信為憑耳。李曰、此易耳、不足憂也。乃選旅舍主人家、求靜室一所、周遭扃鑰、封護無隙。告主人曰、吾中夜入靜、慎勿喧動。因初兩步健宿戶外守之。誡曰、毋妄窺禍及汝曹矣。步健受教屏息而寢、不敢聲。欵中夜、但聞人馬馳驟之聲。

若衝濤破浪然。莫測所謂。凌晨啟扇。李于袖中出雲
南都司文憑收管。一一具脩符信。宛然緘封。猶濕授
之兩人。各三拜謝而去。後客有從滇中敗藥回者。見
一酒樓壁上詩。後署云。李福達從軍至此。

劍叛

先是李千侯福達為家奴。上書告變。遂構成大獄。
上不之誅。遣戍徼外。李因隱身之江南。後陰以六丁
驅役之術。縛歸叛奴。從蘇州玄妙觀所寓道房內。穿
一坎。深尺許。有甲士率叛奴立于坎中。釘如手足。李
身衣黃袍。戴金釐。南坐握固。視兩鄰。叱其奴曰。速死
無他言。奴乞命。號呼甚慘。李從袖中拂出白炁一道。

如匹練然、旋繞其奴髮際、須臾形漸縮減、如火燭膏、食頃、頭顱俱沒、坎中悉化為水、毛髮不存、李徐起滅、燭就寢、觀中道士穴壁窺之、悸幾死。

盜獻黃絹囊

初李福達過蘄州、寄託楓橋金氏、金氏有賣古器人耳、不甚禮重、李殊快之、即赴常州武進縣、住于錢巷楊七郎家、李善縮地術、心欲有詣、身即輒至、不俟整檝、駕舟、常令鬼擔臥具而行、曾前挂黃絹囊、中貯素書二卷、雖盛暑弗脫、臥起常不離身、一日楊家六郎伺其浴于河、竊而藏之、李登岸、見囊失去、笑曰、當令盜者自獻、乃白座客、某不免對諸君作造次矣、因

整衣冠、兩手握固而坐、頃之、六郎雙睛垂于睫外、長尺餘、叱曰、捉阿郎下階、六郎自投階下、頭面搶地、求哀咽絕、其弟代為叩頭謝過曰、肉人無知、幸見矜釋、出其囊呈還李、却使六郎自納其睛、經時復故、因責其歸致酒果贖前罪、前後咫尺、至暮不達、度所行已逾數里、六郎亟返、拜懇求恕、乃釋之、明日携酒果、極備珍饈、致敬如弟子禮矣。

魚戲

楊六郎七郎爭屏池水取魚、三日而水涸、李福遠謂曰、明日將羹鮮、與飫客乎、二人匿謝曰、並無有也、李知其欺、之夜召奇形異狀小鬼百數、去其梁筍、擲瓦

拋磚風雨作大池中有魚千頭悉跳出外塘一無獲
黎明起視漲平如故矣楊氏舉家羅布祈哀李意解
仍遣詣池上及至諸魚紛紜踴躍還入如故由是禮
待殊常朝夕恭禮焉

画屏女

毘陵某衣冠家嘗邀李福達飲中夜設画屏于堂屏
上有美女一十七人李一二呼之下地全其歌舞于
前獨留一人守屏上歌舞畢次第叱之登屏衣冠驚
駭不測深加敬禮按仙傳拾遺載廣陵人張定從道
士授變化之術每見圖障屏風有人物音樂者以手
指之皆能飛走歌舞言笑趨動與真無異今據李君

所為神仙戲術不可學誣矣

拂雲見月

千侯李福達客常州楊家時方中秋會有數客同在
六郎家飲其夕霽月澄瑩雲無纖翳主人謂客曰今
夕何夕月出皎兮李起溺堦下潛于簷角拔出一瓦
可三寸許復就座飲忽有黑風暴雨霑濕盤筵數客
不樂道散而去李却與客還詣七郎家索飲月明如
故明日七郎遇六郎家六郎謂曰昨宵與客共飲方
羨月色大佳忽風雨驟至客與主人皆不樂為之罷
席七郎大驚曰昨宵月明如畫吾輩竟夕談笑安得
風雨事乎六郎因知李之所為矣乃曰今宵須從李

先生乞月賞也。李曰：有是乎？座客皆喜。其夜方設席于庭，陰霾不散。李向空以袖拂之，少頃，雲收霧霽，清光洞然。主客再拜而謝。從此，則梯取紙刻之事，自陽宣室所並載者，信而有焉。

擲杯

李福遠游太湖，王文恪公子招飲于舟，由湖口經明月灣下。公子出金玉酒器以備觴。李每飲畢，輒取杯擲水中。擲之殆盡，舉座皆失色。公子知其術異，獨不為動。而李亦談笑自若。及濟中流，忽有赤金鯉魚數十頭躍入舟中，呼使者烹之。既剖腹，則所擲玉杯金罍一二在焉。夜檢視，百不失一。

飛劍斬湖蛟

李福達過太湖，蛟狹其舟。風大作，李怒，飛劍湖中，斬蛟。少頃，見一蛟死，浮出水面。湖水尽赤，李命庖人取而解之。

移樹

上海朱尚書恩家，前門有大槐樹二株，下可蔭數牛。尚書惡之，問李先生曰：「樹可徙乎？」李曰：「何為不可？」其夜風雨晦冥，雷霆震吼，凌晨起視，則二樹已在後門矣。舉家怪愕。福達去後，此樹依然在前門舊處。如此速，近曰：「覩詭異，不測其然。」董翰林其昌聞諸故老，向希言說。

稅宅

李福連一日到蘓州城中稅宅。徧閱數處，輒憎湫隘。僧人怪之，李曰：「鄉莫管我所挈，細小什器頗多，必須寬敞始得。」僧人以為戲言，後看下一大姓空宅子，前廳後堂，洞房連閤，意甚樂之。與稅賃畢，李便入宅，從客袖中摸出小白石函，縱橫不離數寸，凡衣服飲食床褥臥具屏障几席釜甄一切資生之物，盡從中出。又於函中挈出婦人男子凡數輩，皆其妾媵，使令又有十餘小兒，皆衣五綵，僧人震怖，便狂走。李笑而不言，久之將行，還復挈此婦人男子小兒諸器玩，一悉納石函中，仍袖而去。此石函有人相試提之，重不

能勝福遠啓、閉飄然、若持毛羽、江南豪貴贈遺數千、
或受之以濟貧乏、或封而留之、所至懷一函一袋、行
止自隨而已、於是悉悟福遠為遁仙異神矣、希言常
疑陽羨書生、太元道人、嵩山潘老、劍門負笈諸說、以
為文人愛奇、保虛鑿空而成文、頃萬曆甲寅六月五
日、在華亭董翰林坐、遇豫章^黃企石、黃之先人、嘗為
福遠弟子、數歲時、隨其父入吳門、親覩異迹、而語于
人、即知理之所無、事之所有、以斯奔騰、更何致疑、固
無書不可盡信也、

器聞

最後福遠客黃浦上、朱思尚書家、朱公好道、禮為上、

客或廚傳稍有不餽李知是內人慢之呪其室中器
皿服玩使開繫庭下所曝筐篋一歷階而上內人
悔過乃止

分廚

福達居朱家月餘尚書戲令李君作主人應曰唯
然一無所辦第邀尚書至園亭登席咄嗟之間雖盤
玉俎從空下采已而尚書歸策推求其故家人云今
日內眷醵飲擊鮮在釜以次失去尚書笑問所失之
饌一皆筵上物也諸女郎恨李作惡相與大詬李
聞之每日俟釜中饌熟必分取其半閨人愈忿詎尚
書送之去

送別揚子

尚書置酒舟中宴別。舟行累日。還復在門。後直送至
京口。渡揚子而去矣。朱公歸快。不樂。恨留李君不
篤也。諸女郎共喜李君之去。約伴同游後園賞花。方
樂。驚見福達復在山亭外徐々而來。且吟且翫。未嘗
去也。大駭而散。終無奈何。朱公愈加尊敬。未幾竟別
朱公遁去。稱不更還。亦不言所適。後遂無聞。或傳其
劍仙上升于天矣。

鶴背翁

弘正間。西川王維賢刑部。過青城山下。親見峰頂有
兩老人。皆跨白雀。一自東來。一自西至。相逢下雀背。

而揖從容談笑久之、復上宦背、揮手告別、各各昇雲而去、是時紅霞覆地、異香馥空、蜀人皆言真仙所降矣、余邑前輩楊儀禮部、素不信玄怪之談、聽王君言始遂傾心、著有高坡異纂行于世、

林道人指石

萬曆中福建延平府有林道人者、不察所從來、亦莫知姓字、俗呼為林仙人、後純陽祖師受指石成金之法、能令頑石瓦礫草木諸藥人間所有之物、應手而變、不事鍊合、然其術以救濟貧乏為主、未嘗自潤也、沙縣王別駕某、罷官歸、頗樂方術、延之于家、禮待甚渥、常有貧夫求其術不得、每于僻靜處、恐脇備至、時延平守下車旬月、深嫉此輩、貧夫東伏、訐之于縣、急

遣分捕而林已在門矣。遽令召入。林秀眉美髯。恣出格外。守望見。心異之。詞色稍和。謂曰。若有何術。能立就乎。林語曰。貧道非爐火術。亦不幻惑貴人。但以銀乏絕而已。公既欲試。惟所命耳。守即戒左右取水銀一大錠。計重二鎰。與之。林因請水一器。投水銀其中。用手揉之。少頃。澄水已成好銀。守大驚。亟呼銀工就地為爐。依法燒煉。果竟不變。乃厚禮而遣焉。雲間董翰林其昌。辛卯歲為送其座師田侍郎一僦。喪還閩中。偶會林于別駕席上。知其術神。告主人曰。林尊師真有道者。聞其指石之術。可試以為樂乎。別駕為請。

于林曰：此小事耳。惟學士取一物為驗。時七月十三日，炎海新梧秋桐落子。董遂取盤中梧子一粒，授林。方茶次，林便投入茶盃，隨手所指，立變為銀。徐以匙行盤，挑銀梧子出，舉座驗之，無不駭愕。董曰：梧子化為銀矣。銀獨不可復化為梧子乎？林接取再納茶盃。良久出之，故是梧子也。如此者三。林曰：此真銀矣。五百年後，不復變也。董乃藏之袖中，因爾致敬。于是咸平官僚咸歆就林傳術，卒不肯授。從容謂翰林曰：某之術通天地，役鬼神，非其人不妄授者。觀學士神骨非凡，有少道分，當不靳指示。但某常拯救人以陰功及物，須藉學士高文流傳閭中，請從此他逝矣。

董惻然許諾中夜思維吾為此人立傳萬一事敗豈
非名節玷乎且天生其昌寧能藉黃白之術以濟世
哉明日遣家監進得持輕吹二端織成履子一鞵送
林留別而林已逆知其心事矣乃迎而語之曰而主
昨許為我作傳但半生疑然仍遣幣致敬終不失為
長者卒受其禮謂曰某亦欲附薄儀報謝之望少待
忽于脚下礮一斷丸約重十二鎰急取紙包裹以授
家監曰卿用奉酌學士然慎勿于途中開視也家監
唯々謝辭而去及抵行館董發其所裹上金燦然宛
是新瓦之狀矣林所居深山邃谷無人跡處往來城
市每客別駕家別駕平生好燒水銀寢々無驗見林

神異自撲泥中禮拜殷勤、董不為動也。林每從山中
出入、~~日~~費數金、並以濟乏、皆成于俄頃、點化、亦不過
多。忽一日、駕柴車還山、役夫跪而請曰、仙官濟人之
功廣矣、如某輩貧入膏肓、忍不援手一拯耶。林為之
動容、全求一片石、役夫就地選取大者、秤之重七斤
八兩。林嘆曰、嗟乎、福薄之人、何以當此。役夫叩頭再
四。林不得已、強舉一指、之、即脫其腰纏、束縛、戒
不得妄動。抵家後方可開也。役夫行至半途、覺腰中
極冷、疑其有異、因輒開視、乃是七斤半白鹽餅耳。詣
市鬻之、得錢八十文。僅酌一日之勞而已。董嘗從容
叩其大要、曾鍊一神、不委何名、欲呼之、用右掌食指

書神姓名于掌中、指背止二字、神立至矣、自言讀黃
庭內景、別有指歸、每于靜夜、密呼五臟神姓名、其神
自出、宛若人形、並長寸許、行動如常、衣色精采、其分
明者、容髮皆具、是神無病、如或一臟受病、則此臟之
神、颯然不振、急召使入、忙用點檢工夫、逡巡再呼之
出、便不復爾、又善回精法、秘不傳人、大抵皆游流還
嬰之術、與世俗所談小異、董亦不欲授也、又言呂翁
蹤跡、近多在幔亭峰下、常混僕夫、樵子之中、故時人
莫之識也、今當往送寒衣、旦夕且去、董瀕行、再使人
物色之、林已飄然、不知其所適矣、銀格子上有星紈
類、梧子形、里人范爾孚請以救母、遂留不歸、其所贈

小餅金、朱氏太夫人亦請去煎湯、所救多愈、吳兒咸
言神仙點金可以療疾矣、甲寅六月五日、在董氏戲
鴻堂聞說

太一星君授法 馮月潭遺事

玄妙觀馮月潭、學太一月字、請雨法、未得妙理、積志
累年、精爽未格、一日有漁婦為星君所馮、裸形走入
觀中、授以秘術、遂神、建壇依法為之、斯須雷雨四
集矣、按月字、即躔星也、其神裸形赤腳、右手持劍、左
手提一人頭、相傳法官用月字法禱雨、令侍者持鮮
花幣于市、市中婦人有買花者、月字即附之而至、裸
而登壇、法官用左腳踏其地戶、被髮持劍誦呪、未

畢雨大注其人邪心一起此星君即用劍倒斫之故
手中提人首者即法官首也西天王堂有唐年塑像

春秋時有星孛于大辰梓慎占
火在宋而秦始皇時彗星再見

江長老

桃源江盈科為西川副使其族人江長老者受良
常山上真祕法靈異著于楚西沅湘之間目為散聖
長老能取生雞卵二十枚置臼中杵之雞卵紛然躍
起復入臼中如是者數四無一損壞嘗以符術行里
中時有孕婦難產長老指一小符先焚為灰和湯水
與患者吞之立時即產其符黏于兒顙門上而出宛
然不燒衣冠家有失物者乞問所在輒被用術禽獲

由是賊黨恚恨長老、跡于蛇兒埕口、共執而捶殺之。
隔日賊詣屍所、但見芻藁一束、擣如敗絮而已。急覘
之、長老高臥寺中、無恙也。賊相率奔竄、至今桃源城
中、不敢為竊盜之事。

端和尚

同時有端和尚者、亦善道術、而伎倆終不及江長老。
一日于通衢廣衆之中、兩人較術、端取袖中手巾擲
地、化為白蛇、蜿蜒如雪。江使擲僧帽于地、化為玄龜。
伸頸吐氣、口中生火、立殺其蛇。每共試法事、之不勝。
端慚恨、乃潛遁焉。親聞江副使說之也。按唐人崔進
士妻、擲一領巾過、作五色綵橋、劉綱唾盤中、成鯉魚。

樊夫人唾盤中成獺食魚向疑其不經今傳說龍源
二僧如此聽者皆以為希有之事矣

紫霞碧洞

真仙通鑑載李白
為東華上清監

正統間嘉善姚綬字公綬別署丹丘子栖心山澤想
像雲煙中年始成進士既選入為監察御史絕不留
意名宦便託疾告歸一夕夢有大賓過其門御史疑
履出迎望之則崔嵬雲冠道貌秀異真神仙中人也
既坐完請其姓名對曰我即唐朝李白今為紫霞碧
洞主矣覺而驚異凌晨與客汎舟溪上見有兩農夫
澆取河泥溉田同舟相問一人堅握其掌不肯開一
人欲攘其掌中物不得以此爭競御史遽命使者款

曲勸解索其所握之物視之乃一錯金圖書上為博
山爐形識其文皆鐘鼎古篆極精且工是紫霞碧洞
四字也復刻李白二小字于左方時御史詰其夢于
座客遽獲斯異奉座傳玩歎以為奇于是厚出粟銀
分償其值御史賦夢游仙吟以紀盛事優游林下者
又十餘年而終往常見一書載白樂天于龜年一日
于嵩山東巖下遇李白曰吾與汝父皆仙笑出一軸
素書授之曰讀此可辨九天禽語九地獸言後試之
委驗又宛委餘編載杜少陵與李青蓮輩並優游江
湖稱散仙其說不知何據近華亭縣西門外謝家有
客夏生者善召仙時請李太白至題云憶當年沉

香亭下玉妃嬌態。至今神蕩。恨高力士在傍。不得一
撲其面耳。今觀姚先生事。因知供奉真為地仙不死
笑。采石騎鯨之說。信有之乎。

天醫

吳人張叟。究奇門六壬陰陽緯候。還真練氣之要。無
不精徹。家奉斗母。間為親戚祈禱疾病。俟斗母許救。
約以某日某時。命天医至。為或見形往來。或空中授
藥。或示異夢中。或附耳而告。凡童男童女見之。尤真
不獨妄者接寤而已。一日齊門王氏女得疾。沉重。懇
延張叟。請于斗母。期是日酉時。天医下降。至晚。坐客
六七十人。同登小閣。子飲酒。咸望見牕外一少年。纔長

二尺許、戴金綫冠、著古色蛟背負藥葫蘆、眉目髻髮
歷々分明、自樓簷飛下、若趨赴中堂、直抵患者所、既
試刀圭、便失所在、疾亦漸瘳、又嘗降于閭外、顧家則
綠衣古貌、容飾不同、親戚咸共睹焉、服其藥者、異香
滿口、或用針、便覺患處痛快、然斗母不許、終莫能致
天醫矣、近數年來、張術亦不復驗也、張云、天匠有十
三科、今在天曹、屬陶許兩真人職掌、余于西湖之上、
曾見天匠祠、果祀陶許于中焉、按黃氏遼軒別記、載
景泰中、豐城侯李公之母目盲、命術士袁生召天匠
行治、縛高架于李之壺閣前、置玉器其巔、每夜分、李
自登視、輒得藥、不數日復明、又讀陸氏庚巳編、記弘

治中鄉民賴謙家所遺亦云金冠綠袍、空中懸葉葫
芦累百、自稱曰天醫、今吳興善鍼灸者、凌漢章尚傳
其術、然則感格之理、未可云無、

折翮鵠兒

林已下四條皆
酒仙遺事

林酒仙嗜食鵠兒、出作佛事、命侍者燔鵠以待、侍者
分其一翮而食、及暮、酒仙醉歸、責之曰、汝何為竊食
吾鵠、不畏戕物命乎、侍者曰、和尚食數百、不慮傷生、
乃慮某以一翮傷也、酒仙張其口、飛出一折翮、鵠兒
在地能行、至今繪折翮鵠兒于祠下、

龔兒樣

酒仙出坐東禪寺門前、看人迎新婦、鼓樂導引甚喧、

酒仙跡之至壻家伺其婦出東提而啗其頸者再衆
大噪群手格止之酒仙曰惜也更啗一口亡恙矣其
家推求其故酒仙曰此女子翦華嚴經為髻兒樣罪
不可逃命令嫁夫一年後雉經死矣歲餘果無故竊
索自縊兩索結皆斷如人噬狀復紐第三結不可解
乃死

頽亭

居民有頽亭驢磨為業敬事酒仙每見其醉倒街頭
便掖以還索連年如此一日酒仙呼亭謂曰汝某日
當有重厄可早至我為汝禳之至期結壇中庭朱衣
絳節而立于上令亭伏案下垂簾障之成使勿動少

頃震雷飛電、崩騰駭空、如有搜索之狀、忽聞雲中神
語云、辟支佛臨護此人、不得不救、霆火遽散、陰翳廓
然、酒仙起謂亭曰、免矣、然汝得不死、歸當棄驢磨業
造橋寺前、以功滅罪也、後橋成、因名願亭。

代草解頭文字

萬曆初年、雙塔寺前毛翁者、東浙人也、有子鳳起為
秀才、毛翁每日清晨、入酒仙祠炷香虔拜、默而祝曰、
他日祐兒成名、當重新像宇、後辛卯科、鳳起應浙江
鄉薦、主司命才難一節為題、鳳起見願生疎、惛然若
睡恍惚間、有青衣少年連聲呼之曰、速起、速起、某奉
上真命、為卿代草文字、趣繕成無誤、今科定作解頭

矣誦聲如流七篇五就、鳳起寫畢、遂絕聲影、不敢增
損一字、放榜之日、果領解、符青衣少年言矣、捷至吳
下、同社友朋、皆相顧吐舌、以為怪異、益每常結社分
題、毛先輩時名遠遜諸君故也、其年浙場主文柄者、
乃溫陵李季士、一覽取納、稱賞再三、目為神助、鹿鳴
宴畢、命撤所揮黃金花賜之、於是監臨提調諸公競
割以遺解頭、傳為盛事、不知其果是神人降筆矣、咸
謂酒仙挈維之力、故吳人語曰、欲作解元、先拜酒仙、
顧別駕徐光祿共說

金姬

常熟縣誌、金雞墩、在縣西北、二十五里、世傳偽周渡

江妃死權殞于此。然說姬為雞。因妄言金玉之氣化而為雞。時三夜鳴其上矣。按金姬。今山東李氏子。名金兒。明敏妙麗。誦古今經史及仙佛百家之書。父李素得張明遠之秘傳。精于卜筮。悉以其術授之。遂臻玄妙。父不及也。士誠之有江南。多其帷美功焉。既自立為王。厚賜姬。加號冊立。姬至舟中。屏去盛粧。啟其故箱。出辦香焚之。向天列拜。長跪松祝。衆環視。莫測其意。須臾閉目。奄然無語。父母驚赴抱起。呼之已絕息矣。士誠哀慟不已。乃厚葬之虞山下。後士謀誠取江陰。久不下。因感金姬先見之言。加封為護國洞玄仙妃。命饒介之謨文周伯琦書篆刻石。其夜姬示夢。

于妃劉氏極言士誠運數之將終果符其言歲月未
幾亂軍發姬塚屍已脫去矣棺中惟銀泥黃袷紫
絳絲履存焉世傳姬奉劍仙之流尸解上賓未嘗死
矣

萬家牧牛兒

牧牛兒者鄞縣萬都督家僮僕也都督名表別署
鹿園居士明嘉靖中歷官至南京後府篤好方書頗
臻玄教羽流道侶時常往來偶因官轍所經假僕于
市得一人焉其名曰小張雖供傭作手神朗然性態
落托其家不甚憐之亦不知其所能也後都督被論
列歸鄞恒以服餌吐譙為事莊居近四明山中一日

遇故所善將某忘其名詣莊相訪都督欣然延禮言
談杯酌極相投契居月餘營將偶出見小張在牛背
上了髻布衣有輕薄之態心異之試問知道否曰君
初未嘗知道問我何為近日與主公所談某竊聽之
皆非道也營將因伺間與語參微入牒相顧驚莫測
及叩以至要曰能相師則可授以一二君無仙骨豈
宜妄傳營將遂設拜執弟子禮甚恭於是略授其術
營將曰別去握都督手謂曰公家有異人而不識乃
後方士問道吁可悲乎都督曰何人曰牧牛兒小張
非常人也都督大笑終不之信其夕小張遂稱疾從
都督乞一棺都督復大笑諾之曰能化去則真異人

矣何難一棺明日晨起召小張則以五更忽然暴卒
須臾臭敗左右具白都督都督嗟異悔謝不及遽令
人市棺殮而瘞之莊北土岡下將半年矣都督遣幹
力入都門路出東奔天陰晦漸失路不由今道心甚
怪之乃詣一處崖谷深邃花木秀異徘徊窮望忽聞
經聲遂循聲而往有茅庵在深塢中排戶入看見熱
香案上雲冠紫帔而誦黃庭內景篇者即牧牛兒小
張也幹力怖走謂遇死人小張曰吾得道人也豈肯
死將軍之家適有謫事須保偏雜作乃可以贖今限
已滿故來此隱居耳因問都督動定謂幹力曰主公
命汝詣都投書四到諸貴人並已不在某官出補外

任某官病故某官已乞骸骨歸里今日出都門矣某官奉差走寨下總不須往徒勞無益耳幹力不可使辭出門信足行數十里緣得上京大路問樵人云約其處乃是東海勞山蓋地仙也比至都諸貴人果皆不在一如小張之言結束行李而還具白其事于都督言小張現在不虛都督大驚立命左右開其墓棺中只有牛鞭一根在焉餘更無別物始信小張尸解去不死矣後都督手勒封題冀致信物復造此幹力入東海勞山却尋舊路都亡所見矣吳人章藻少遊都督之門親述非謬

高皇帝嘗燕坐樓中忽見一人冉冉自雲端下近視
則羽衣道士駕雀而至金冠星帔駐于欄楯之外拱
手而奏曰天帝建白玉殿成缺一紫金梁遣臣詣陛
下乞取其長丈餘刻日來領言訖翩然飛去上心
異之然未之信也越旬日上坐便殿道士復來曰
陛下不信臣言天譴至矣帝已勅雷部將于某日下
擊殿角以警陛下得無驚聖躬乎言訖又去無何果
有雷擊奉先殿角上甚驚遽勅工師範紫金為梁
詎云梁成道士仍從雲中下來上謂曰已成金梁
矣汝何計能移之云帝道士笑曰臣受帝命何難歸
木于天哉乃取其梁橫置所乘雀背叱雀一飛其

西
殿
子
其
以
震

霍騰起道士乘之而去遂飛入雲中須臾不見

世廟宮中仙戲

世宗皇帝方屬意神仙之事是時方士羽流盛陳禍福廣說妖祥有楚人胡大順獻萬壽全書一卷稱呂祖所譔得之鵞筆且言呂祖授大順三元大丹用黑鉛取其中名曰先天水銀鍛之則成清霞玉粉神丹服之不老一日上移伏于西內夜坐庭中御幄後忽獲一桃子鮮艷殊常左右咸見桃從空中墮上喜曰天賜也修迎恩醮五日明日復有一瓊鴈焉由是宮中皆喧傳西王母所降瑤池席上蟠桃其夜白兔生二子未幾壽鹿亦生二子上諭春官尚書謝

玄告 廟旬日之間、中外官僚、無不止壽、稱賀、率臣
賦詩紀瑞、章奏紛飛于御前矣、天顏大悅、飄然有驂
駕控鶴之思、手詔裁報、賞賜不可校數、或云祥符瑞
應、悉是人造、宮中戲劇、多為此狀也

偷桃小兒

弘正中、杭州雙溪公、為廣東左布政、生辰讌客、大會
官寮于廣州藩司、散樂畢、陳歌舞、遽出、忽有幻人詣
門、挈一數歲小兒求見、口稱來獻蟠桃、時冬月凝寒、
索一大青磁盤、捧出仙桃二顆、為壽、鮮艷異于人間、
項公曰、桃何來、曰、此西王母桃也、適命小兒詣瑤池
取之、公曰、我今日會客、最盛、凡十有二席、能為我更

取十枝各嘗之可乎。對曰：上清北斗門下有惡犬，獐
獐可畏，往之欲殺此兒，甚不易得也。公強之再三，乞
重賞，乃許之。命小兒抱木棍，長二尺許，有十數根，一
根之上，信手遞接。兒緣木直上，登絕頂，冉冉動搖，觀
者怖恐。幻人吹氣一口，須臾木頂生雲，小兒竦身乘
之而上，已而身漸入雲中，倏忽不見。頃之，擲下簪子
鞋扇等物。幻人高叫：速取仙藥來為相公上壽。又頃
之，見蟠桃墜下，正得十顆在地，連枝帶葉，顏色鮮美。
公得而分遺，榻席寮案無不驚嘆。幻人仰望雲端，良
久。小兒不下，忽聞犬吠雲中，信之。聲若沸，幻人頓
足大慟曰：吾兒飽天狗之腹矣。言未畢，果見小兒手

足零星自空而下，斷肢殘骸，殷血淋漓，最後落小兒首于地上。其人復大慟。二果彊攀肢骸，釘轆提其首安之。初無痕跡，復乞重賞。諸寮且愕且憐，拿出金帛以酬之。各贈已踰百金。幻人得金，便取兒屍急收拾入布囊中，負于背而去。明日有人于市，更見此偷桃小兒還在，知其術所為矣。

僧中幻

廣州城外村寺，有少年僧甚富，多私民間婦女幽房稚齒，無不羅致。幻人聞之，即取所携偷桃小兒，呪為化作美女，容貌可十四五歲，衣雖藍縷，色艷動人。一日雨後，天向暮矣，携入寺中，叩富僧之門，特求寄六孤貧無依，乞食至此。老妻又病于旅店，欲急往。

相才暫將此女寄置一宿。明日便來迎取。言訖負襆疾走。富僧見女子驚喜若狂。乃藏于密室。啗以酒饌。誘之淫亂。食畢。先置女子幃中。然後閉門滅燭解衣就寢。捫其體如冰。亟取火視。則蹙然死矣。五更後。幻人掖其病妻同來。取女看見女死。五竅皆流鮮血。群聚慟哭。鄰伍索驗其事。甚真。共欲縛之于官。僧再三乞命。至償三百緡。乃止。其夜幻人忽遁去。衆不能待。即以棺盛女屍。瘞後園中芙蓉樹下。及舉棺甚輕。發視之。唯有茗帚一枝而已。覓幻人夫婦。已不知所往。後復有人見之都門。

劉刑部兒

閩人比部員外郎劉庭蕙在燕京邸中時其兒可三四歲日侍母夫人食一日有奴乏平則門忽見兒穿百結懸朝同兩乞者坐地駭問之兩乞者逸去奴遂抱兒歸閭家驚訝母曰兒終共食何遽作此狀余父亦曰我適從內來見兒與母共食安得至此即令婢僕于內覓之不見是午共食兒蹤跡杳然都亡所有第以衣襪擲僻處耳大駭詰其故兒曰兩日前立于門首被兩乞者持去堅留不放兒憶家賜斷奚方知在家共食者蓋其神魂也此數年前事

蘇州山塘吳梅鄉、生時龜背雞胸、不能俯仰、一日有
全真過門、出囊中大膏藥二片與貼、不求一錢、自是
背脊俱平、至今不老、

蒞任青城山

世廟時、顧文康鼎臣、扈蹕出狩、途中夢游西山、聞呵
殿聲、見所具威儀、多霓旌羽蓋、不類大寨、既至、則仙
官衣彩雲帔、乘蒼鹿以行、視之、乃徐禎卿也、問何往、
云蒞任青城山、問何職、掌云典仙班、祿籍弇州公、亦
稱顧太保、三夢連功、為第二殿帝君也、

雲中畫舫

隆萬年間、常熟縣百姓張乙、採石虞山之顛、俄望紫

雲一片自西南隅氤氲而至鼓樂之聲殷然駭空見
彩画花舫數座次第蕩漾于雲端中有仙姝數十人
列坐珠簾下綃帔霓裳容華絕世兩傍侍篙往來者
並黃帽長鬚人也江濤之聲渺在銀漢久之其雲度
城而東舫亦漸隱沒張仰視移時目所未覩不覺
驚仆岩下食頃乃甦

繪園第三目錄

仙幻

青丘子

花籃道者

荷鬚人

玄符先生

飛神武當山

青溪道人

夢召散水珠

魏左二公

西角頭幻戲

南屏寺幻戲

玉峰老人

赤松子遺藥

羅浮隱者

馬西風

白崖老祖

范子磐

金竹

紫溪先生

石梅道人

驊道士攝李月華魂

楊太真

桂花仙子

棘朝後主妃墓

沈休文女墓

紫霄宮道人

孔道人神筭會禪師立命

北京神相

繪圖第三目錄終

繪圖第三

明吳會士人錢希言新謨
宛州尚書郎馬之駿校錄

仙幻

青丘子

青丘子有不知何所人也俗或呼之為青丘先生隱
于武當山遊行天下已久見者終莫測其年代嘉靖
間有丹谿生姓王名生好尋名山博採方術有高蹈
遐舉之想偶因秋晴游縱誤入一山谷僻處見林壑
深秀隴徑幽委不覺愛玩忘歸遂窮其蹊踐丹崖履
翠隄或下或高且數十里隱映若有洞門洞在斷崖

絕磴中、水流花開、風氣如春、似非人跡所至、徘徊良久、忽聞洞中酣睡之聲、披榛竊視、一白鬚老父、枕石而臥、鼻息如雷、狀貌奇古、而衣冠杖屨、飄飄然並仙家裝束、生察其非凡也、屏息竚立、伺其寤、急趨下拜、老父驚問曰、此之由、具告所以、賜胡麻飯與之食、謂曰、世人不信神仙、汝能冒險至此、真可教矣、然兒之先不聞有七世祖王重陽者乎、生曰、父母早喪、親族凋殘、莫知祖先踪跡矣、老父曰、吾即王重陽姪也、兒好道、以明年八月十五為期、待我于西蜀琵琶峯下、今日方與南宮列真期會此境、騎衛頭吏即來、汝乃凡夫、穢濁未除、必遭仙譴、可速尋歸路出去、遲則虎狼

立至、無唯類矣、生便叩謝而出、踉蹌下山、微聞簫管
寒亮雲端、疑是羣仙赴會洞中、奔馳不及、逾五日始
得達家、詰之于人、其先代果有重陽尊師、道成仙去
生則其雲孫也、生自飯洞中胡麻、腹常不飢、顏色益
少、轉貲問、明年中秋近矣、遂與家絕、結行李而渡江
然不悉琵琶峰在蜀中何地、憂惶靡寧、莫知所屆、一
日、忽聞舟中同伴朗吟七言詩、中却有此峰名在、
亟問其處、吟者曰、此即巫山十二峯之一也、生喜不
自勝、旅懷頓放、有頃、舟過巫山下、因告舟人、晚帆登
岸、與同伴各、謝別而去、求尋其峰、積日始到、至中
秋前一日晚、露宿峰頭、以候仙駕、遲明、望見凌空跨

崔而來者白髯老父也。就地瞻仰作禮。父見生已先在。笑曰：此兒大佳。真有心之士哉。但汝骨格未就。因緣尚隔一塵。今生止可學劍仙之術。遊戲人間。吾非汝師。汝師是青丘子。見住武當山中。却歸徃尋。必得其真傳矣。生臨別拜辭曰：不審青丘先生居于武當何峰。願先垂告。老父曰：六株松下一茅庵。即其居也。乃辭出山。復附他舟入楚。纔經信宿。已達江陵。尋復抵于襄陽之武當山下。負囊獨上。緣磴躋攀。日向晚矣。忽見岩前蒼松六株。果有茅屋數間在焉。煙蘿四合。仄徑微通。叩其門。良久始過。童子出而延入。仰視青丘先生。秀髮龐眉。倚樹而嘯。謂曰：爾祖玉重陽使

汝來也拜罷、趣遣沐浴畢、令住菴後淨堂中給使、堂
中有藥鼎高數尺餘、周遭封固、紫焰火騰、照耀林壑。
生至、第教以守爐看火、添縮薪炭、不得擅離妄視而
已、每晝、則有玉女持稠膏一簣、投鼎中攪和之、鼎中
聲類霹靂、庖米、則有青童復持稠膏、依前次入、其散
滿濡如舊、此堂之中、玉女二人、青童二人、更番直應。
日以為常、生偶問及鼎中何物、皆笑而不對、先生已
具知之、愠怒詬責、便欲驅逐出門、衆相跪請乃止、後
遂不敢發問、久之、丹鼎成矣、出其金液、計可六百餘
斤、分而為二、又析之至七八斤而止、移貯大磐石上、
搗之、畫作夜息、漸、而薄、因成鍊片、擇甲午丙午諸

日鑄成六劍、懸于絕壁之下、以飛瀑激其上、日月
之光華燭之、歷經旬朔、劍質始柔、此六劍各有名目、
先生舉其一畀生、令童子開其腦後臂間藏之、亦無
所苦、却令齋心七日、盡傳擊刺之秘、命生往青城山
中結茅棲止、誠無他川其劍、第一不得作世間非為
事、自奸天誅、又以其四分授二青童、三玉女、其一自
佩、於是使生下山、生住青城山、一年後、又却來尋至、
則空廬如故、門戶緘鎖、寂無人在、問山中道士、道士
曰、青丘先生去且一年矣、生慟哭而還、忽行過荆南、
見先生混迹乞者之中、乃相隨同去、不知其所之也、
世傳丹谿生鑄劍經、僅二十五紙、即是青丘所傳、古

本矢有人曾見此書。

花籃道者

隆慶年間常熟縣西北區舡底橋徐家其先施有耕

夫徐四郎晨起負鋤出門見一道者秀眉長髯持曲

竹杖頭挂藤絲水火籃中盛帶露百花詣門從四

郎乞施新履四郎曰某田家止有草屨敝則棄之將

何奉乞時四郎有女未嫁年可十七八矣病黃喜食

茶葉草紙面浮腫若金色方映門而窺忽聞四郎拒

道者言遽止之曰父生辰將近兒私製綠布履子一

雙為壽夜來燈下方成今當撤以施道者須再製無

難耳四郎見履新好不肯施其妻傳玩亦有難色獨

此女在房內固請施與。四郎強持出以贈道者。道者曰。聞君有女病黃。當為治之。因脫下花籃。摸出一小青餅子。內有膏色碧而瑩。挑兩匙于瓷甌中。教其所服之法。謂曰。服此不但萎黃可祛。便當一生無恙矣。其女出拜謝之。道者竟留履子于門。不受而去。女全其父急持履子追送之。四郎挾履奔馳。見道者徐而行。常在面前二十步。追不能及。顧盼之間。亦失道者所在。徧訪前村鋤田人。並云不見。方知仙也。四郎罷還。舉家懊嘆。女急取沸湯調藥飲之。奇香滿室。俄而下赤頭虫如指大者百餘。其中並有鱗鬣爪甲。積歲之疴頓除。明日於鏡照之。容色美好。非舊矣。此女

嫁予人尚在高承先記其事為人說之

將鬚人

王吏部穀祥之曾祖電目異人也精于相術早起行過張王府基上遇見一全真箕踞大樹下王翁訝其道貌殊凡數矚目看之全真語曰汝看我何等人耶王翁曰清神骨清好像仙人全真起而將其鬚曰老子莫胡說歟去遂失所在時翁年近七十鬚眉皓白及遇此人而歸兒女皆失笑亟取鏡視之其上寸餘手捻處已變為漆黑矣後亦竟不改色以壽終撫太原徵君云是國初王仲光事非電目也煙霞小說記誤未詳孰是

近見一書載善相遇仙人將鬚者疏偏鬚子姓許後入終南山

玄符先生

玄符先生別署寒陽子。自幼出家雲水。受谷神子之真傳。發明內要。凡修身延命之術。無不研討。窮年累月。坐破蒲團。乃得氣凝脉住。神明洞然。後遇習虛子傳授淨明忠孝性宗派頭。因此猛參知識。當應代補元之任。游行人間。以度志士。然人莫窮其年齒。亦不測其住處也。嘉靖中有婺人胡清虛者。家于樊池。號樊池子。少為縣小吏。故少保績溪公宗憲。擁旌浙右。權震天下。清虛給事幕府。傳呼使令。頗稱敏捷。是時鯨波清海。宇謐。少保頗興髀肉之歎。一夕沉醉倚胡牀。而大言曰。世界承平。將高鳥盡而良弓藏矣。回顧

左右獨清虛立于後、驚訝曰、汝在此耶、明日、緤手
扎半幅、勅清虛亟往投錢唐、令乃是授意于令、使其
杖殺清虛、令精察人也、發緤覽畢、納諸袖中、瞪視清
虛、為人端雅、憫然顧之、遂屏兩傍人吏、召而訊曰、汝
得何罪于幕府、令使我杖殺汝矣、清虛應對從容、顏
色不變、告令曰、實未嘗有毫髮忤犯也、豈昨宵醉後
之失言乎、惟某得聞、獲譴死矣、因具述以告、令二曰、
是矣、汝可速改姓名遠遁、不得復還家、戀妻子也、清
虛涕泣拜謝而去、明日、令入見少保、少保問其人在
乎、令曰、斃之杖下矣、清虛既脫斯難、狼狽出杭城、易
姓游江淮間、思尋訪名山、遇異人、凡數載、一無所遇、

流離顛沛、苦不可堪。後聞少保已薨，事達人亡，乃復還浙之婺州。問其家骨肉淪喪都盡，故居已再易主。驚顧之際，不勝悲涼。因訪親近之居鄉者，暫依棲止。偶于觀星臺下見一老人，赤腳蓬頭，布衣瓢飲。視其鬚髮皆鶴，而貌如桃花。知是仙流，傾心歸向，叩之。乃即玄符先生矣。老人曰：我故寒陽子也。欲度世間有心人耳。汝歸鄉，志、俗情未除，豈可求長生之道哉！清虛叩頭，誠祈，願終身為隸于左右。老人知其志篤，許而留之。遂挈入湖平山中，草衣精舍，不數月間，又携之浮蘭江，登爛柯山，直至閩中，尋金粟洞，復經廬陵之玉笥山、南度庾嶺，過袁陽，到武當山上，止于紫

雲、回又還廬山火、厰游歷數年、諮受道要、晝夜精思、
無所不到、始得發明性命、歸源之奧、所傳皆清淨工
夫也、數年間有人見玄符先生與樊池子於蜀中、兩
人如孤雲野雀、容色不改、皆云未嘗死也、

飛神武當山裴慶遺事

世知南皇之代、宜降神仙、蘇州裴慶者、織机為業、
因婦有外行、棄之行乞、夜宿于懸橋巷中、一日乞食、
而還時、吳城大雪、數尺、忽見路傍一處、蓬席之上、輒
無分寸、其氣如蒸、怪而疑之、竊啓視、則六七乞者在
焉、慶便入拜、稱曰、下界愚民、稽首大仙、衆乞握手笑
曰、子痴矣、吾儕乞兒也、何知神仙事乎、慶再拜叩頭、

不已伏地如故。彊乞破甌中殘瀕噉之。以舌舐。盡歸而身輕如飛。攀牆援樹。幾欲凌虛直上。鄰里聚觀。叩以方來禍福休咎。言無不驗。合郡肅敬。如事神明。有親故入楚。登武當山。禮玄君。路遇慶下山。輒附信物將歸。此人後還。訊其家。云寄至已久。驗其日。即此人上山日也。鄰里咸謂慶終日行乞在吳市中。又嘗到人家。何曾遠出走視。儼然方知武當山中相遇。是其飛神所至矣。又張真人嘗遇之武當山上。問姓名。答曰。我姑蘇裴慶也。真人視其足躡虛而行。異之。至姑蘇求覓不得。慶已在驛夫中笑。真人跪請不已。乃踞上坐。劇談至夜分。隱去。後夏閣老言。再應召北上。來

叩慶：曰陛下賜汝一車斤，夏誤斤為金，時以為妖。
晏後乃知夏公當斬，故拆其字示之也。世宗皇帝
下詔訪求慶，一日擔街頭破草鞋，壘成小洞，方廣丈
餘，端坐其內，扃塞洞門，吐火自焚其身。吳城居民共
見，烈燄中裴仙人騎白雀一隻昇天而去。

青谿道人

嘉靖初，有青谿道人諱智，失其姓，書中稱弘農疑姓
楊也。善九轉還丹之術，自云得南海王神仙斗籙祖
師之真傳。後又受旨于衡山清風子，皆不知何時人
矣。山陰祝生良柱，少年嗜黃白之事，棄家隱，居安石
鏡山下，依其母舅高氏以居。羽流道者過其門，無不

留連款接嘗從方士李鍊丹遂鑄鑪鼎爨薪鼓鞀以
為黃金咳唾可致積數年而終無制伏工夫下手妙
理丹卒不成其後母舅自楚中罷官還祝往謁之偶
見敗篋中一鈔本方書糜爛殘缺不滿三十紙其理
深玄炉中造化之真机燦然大備印之平日所得亦
略相符祝生自辛見所未見也嘗因會客談及獲書
之彛座人驚曰願聞其說生曰某母舅高公名尚桂
嘗為湖廣德安府應城縣尉時京師布令天下縣圖
購募妖僧曾廣高公職掌巡捕都御史委之緝獲責
期必得一日過遠鄉市鎮上見有全真道人醉倒路
傍遂命停車遣人推求廣形面上眉心有黑痣一點

今驗之非是全津邇徧身搜摸、曾無寸資、問之酒家
云、此道人常日以銀一小錠、止重七分、來買酒肉湯
餅、恰穀一日之費、其明日亦如之、今早誤付兩錠、某
倍與之飲食、以此大醉、其鼾如雷、高公命左右共呼
之而不寤、有人于其胸前檢此券、乃是虫蝕文字、中
多眼科方、兼画人眼形于上方、不計其數、高公不知
何書、收貯行李、因語酒家主人云、此全真酒醒便可
留住店中、往還以半月為期、主人唯唯而退、高公既
去、道人亦醒、不問亡書之由、酒家以官人有令、固留
之、道人云、若然、則汝出酒餚供我、已無金矣、酒家
不得已、款待如故、忽見梁上失去飛肩、一時疑是道

人所竊。主人翁媼交謫于內。道人聞而大怒。詬責主人。惶恐無地。隔一日。道人忽腹痛而死。尋即臭爛。蛆流。主人翁媼恨不自勝。市櫟僦舉。聚鄰里瘞于鎮南之平岡頭。半月後。高公奉差還縣。道經市鎮。召酒家至。烈聲罵曰。命汝留全真。何為縱之。令其使酒亡狀。辱我于道上乎。主人泣曰。飲食湯沐殮葬之費。並出明府所賜。若不敢言。高公曰。昨遇大洪山下。全真向吾馬前大罵而去。遺伍伯收之。追不能及。奈何以死相誑。主人云。現埋此地。高公遂召鄰里發棺視之。不復見尸。棺中唯一羸肩。已腐臭不可近矣。即是酒家前所失者。方知其託形而去也。按其書末云。世廟

十年劍槎市西弘農青谿道人智謨、有彭祖蒸臍方、
呂仙助容丹、造逡巡酒方、神仙延壽丹、還少丹、打老
九諸方、不可尽述、其金丹妙訣、及歌文、多不錄、其
詩一首、詩曰、一粒金丹透碧天、黃公姪女結因緣、五
行制伏分天地、八卦崑侖列聖賢、造化一團爐內雪、
乾坤千朵海中蓮、世人識得如斯語、隨我來朝玉帝
前、

夢召散冰珠

萬曆丙申年間、有越中士人不記姓名、益落魄、不羈
少年也、嘗讀書山中、一夕夢黃衣使者來、召云是天
帝有旨、隨其行為風煙擁而去、逡巡使到帝城、乃在

最高山絕頂上。宮殿鬱々如雲氣中。朱繡雕鏤不可
名狀。屏風壁帶悉繪鳳鸞。旁有數百仙童玉女。皆九
髻綃衣。執幢節而環侍。階前花樹並琅玕珊瑚之屬。
丹枝翠葉交燦于庭。見金案上有大碧玉盤十副。其
中悉盛冰珠瑩徹有光。帝坐紫綵帳中。傳呼甚肅。召
玉女兩人捧玉盤出。命士人立殿前盤石上。取冰珠
撒于下方。士人視其汁可數斗許。心計無奈何。急用
右手握而撒之。夢中自覺凜凜殊常。肌膚生粟。手指
欲墮。帝勅左右垂火精簾于殿門以障其後。簾既下。
則衣裳中漸有煖氣。而寒威解嚴。久之撒未半。聞天
鷄鳴。俄而下界之鷄亦亂鳴。士人求歸甚哀。甲士怒。

叱被推仆懸崖之下。陡然驚覺。右手五指凍落如斬。
楚不自勝。時天向曙。僮子開門出視。則積霰盈庭矣。
其年冬。江南吳越間大雪數百里。河江膠結。舟楫不
通。士人既廢其右手。飄然有棄家雲水之思。不復以
世事挂念。竊慕西蜀山川適有親故宦游其地。因探
而往焉。舟行至蜀。日晚維梢。士人見春光韶媚。山氣
幽佳。躍而登岸。微窺鳥徑。誤入其中。真仙境也。於時
澗花襲馥。風籟瀉空。煙雲濯鮮。泉石互激。徘徊愛玩
之際。不覺琴路深矣。舉頭忽見大樹下有女郎二人。
對坐石上。神姿端妙。絕世少双。解后。人如舊識。相
謂曰。郎君非紫皇殿前散冰珠者乎。士人曰。唯。惜。

然未曉何人追憶夢事。慘傷之極。因出其右掌示之。
二女郎曰。無苦也。兒有軟玉。請為郎君續成。遂出五
采囊中。白玉一片。質甚柔。兩人解巾。用小刀子。弄手
切玉。勻作五條。短長類指。大削空其中。倉忙琢之。見
下刀如泥。俄而指就。令士人合眼。須臾以五穴孔。續
入新指。瘡上傳以神膏。滑如飴。有頃連接。都無所苦。
屈之成節。按之有聲。遂堅固不脫也。二女郎令士人
開眼。笑而謔曰。將不弄假成真耶。然吾玉不可妄得。
是上清希世之寶。價倍世間溫涼指。子勤修道。庶足
以當之也。士人再拜謝別。二女郎各執所釧玉屑一
裹。餉之作糧。殷勤送出谷口。士人迴顧如夢。但見荒

屋斷壁向之靈境都無所覩。遇一行脚僧到，問地何
所。僧曰：此岷山之第一峰，青城山下。道書所謂第五
洞天也。問何處汗流，若此。僧曰：六月不汗，待何時汗
乎？士人驚異，具述登岸歲月，已逾二年。又問親故官
跡，離任且久，狼狽附他舟而還。時方盛夏，日含裏中
玉屑，味極清涼，而飢渴之想頓除矣。士人遂次無聊
尋思，二女郎容貌，死是當年夢中所見。玉女捧冰盤
者，始悟神仙續指，非凡人也。夢于彼而過于此，異哉。
自尔右手之屈信舒卷，無異左手，但漠然不關痠癢
矣。後來尋道流共入天柱山去，不復出。方外芥舟道
人具陳其事。

魏左二公

萬曆初年間有河南人魏公失其名號廓庵道人年可七十餘矣其徒左公名兼號荆山隱者北直隸真定人也年少于魏數歲兩人特游京城皆莫知其甲子通于變幻奇怪恍惚不詳何來山陰祝秀才父號鳳臯子素好步虛隱形長生洞視之術入京訪舊遇見二公私竒之然未信也一日三人相約出遊西山絕勝處所行道非所曾經半途二公各發其行李還城時日向暝矣但聞鳥聲不遑人跡祝頭上烏巾輒為旋風吹去惶惑殊甚二公相詔亟行莫慮兩人扶之疾走忽轉而北又轉而西指眇之間不覓隱

隱有人家燈火、指謂祝曰、此非絕勝處乎、既至、則石
梁跨澗、屋宇森沉、叩門良久、僮子始開、見一少年紫
衣公子、下階延三人升堂、坐定、叙話、頗加敬焉、具茶
畢、邀入中堂、則欄繡箔、紅亭碧樹、水出洞口、雲生樹
中、益靈境也、詢知魏產洛中、左燕人、祝越人、即戒行
厨、設三大都會飲食、水陸珍奇、無不畢陳、又命出女
伎奏樂、音皆清雅、祝諦視、向所失烏巾、宛然挂于胡
床角、心大驚疑、公子命侍兒送巾還客、酒罷、脩湯沐
浴、陳設衾裯、亦極炳煥、祝中夜寢、不敢交、明日天未
曙、促裝出門、不告主人而去、方行十餘步、二公引祝
登高岡、令其回視、笑曰、夜來觴酌之地、安在、祝遙望

周邈惟見丹崖繡幃、灌莽荒煙、向之樓閣臺榭、一亡
覩矣。祝念昨宵之事、不知何若、低徊良久、默然而行。
魏公懷中出一小枣、長寸許、與祝嚙之、覺了不飢。復
令閉目、兩人各于衣袖中共摸出三蹇衛、形如紙翦。
取水嚙之、遂化成真驢、馳于路側。兩人跨之、使祝閉
目、亦乘其一行。甚迅疾、忽如睡醒、不覺已及順成門
矣。二公于是呼驢至前、復取水嚙之、其形漸小、縮小
次第走入袖中。祝目擊其術、始大駭異。雖深加勸重、
不測妖怪之理焉。左又善鑄鑄術、試之神奇。鳳臯子
別去數年、後有人見之華陰山中。兩人常先後同行、
或云尚在世間不死矣。

西角頭幻戲

已下二條
皆曾廣事

萬曆初年懸圖購募妖僧曾廣後聞曾廣是道非僧
寔有奇術世之隱遁仙人也初未嘗聚衆舉事乃左
道淫邪之徒聚衆舉事而敗傷託其名以鼓愚瞶耳
及收真曾廣至訊驗不服司法官強伏其辜詔下
官吏衛士與伍伯持兵伏者數百人將廣詣西角頭
就戮看者圍繞數千人徘徊之間漫起青氣數十丈
橫亘天半衆奔仰望隱影而去惟繩縛存焉不知廣
之所之京師震驚忽刑部守門吏奔告尚書堂上有
曾廣倚柱而嗽手作反接狀衆聞惶頓于是禁衛巡
徼蜂擁而入果得廣衣飾狀貌無異尚書大怒促左

右百騎押赴市曹不待時而決及出部門蹶然倒地
城起細認乃即守門吏之父也守門吏詰問之父自
唾其面云本在室中炕上假寐不知何由到此尔何
故領爾許人來縛我衆察其精神猶矍矍如睡中時
江陵當軸聞其事譴之密令出他因論死者戮于市
取首以獻朝廷祕而不言三日後有人更見廣在順
成門外看戲劇且頻上酒樓吟咏自若見者終不敢
言之厥後稍弛于宮禁天子冲聖亦悵然知廣
化去不死矣

南屏寺幻戲

杭州西湖之淨慈寺一名南屏七八年前有書生四

人釋業僧舍忽一日見遠方道士荷杖而來道貌奇古鬚長尺餘黑如漆與之語古今舊事無不通曉共相驚嘆留于僧舍食之與一室自啓閉晝出夜還凡經兩月求去因語四書生曰貧道久寓于此昔諸郎君薪水不貲今方告歸懷眷如何明日請張筵作別兼有薄贈衆皆笑心計道士不持寸貲何由設饌召客謬許之至明日天色且晚視道士猶未返奇也共以為妄頃之至矣然了無作主賓意四書生謂道士曰某等枵腹以待師之盤筵不下晝當卜夜乎道士曰無憂也乞即君盡數將禁書檢束虛其室鑰以俟之時謂善戲之言益不信其如所教勾當訖俄而道

士與四書生攜手閒步不覓行至雷峰塢下從倚半
晌忽謂四書生曰計此時薄設將畢矣盍反乎衆應
聲而退入寺隱隱聞笙歌鼓吹之聲不知何等漸近
則即其室也啓戶視之綺筵羅列水陸畢登器物金
銀犀玉之屬目所未窺歌童舞女遞進于前幙帝茵
褥華煥無比四書生大怪之竟席不安因敢下箸道
士飲噉如故夜半方散道士乃撤其銀器分遺四書
生曰用酬向來雅意不足謝也四書生即使下拜啓
曰不審尊師復何姓名願垂告示道士曰郎君寧不
聞世上有曾廣乎曰聞之道士曰我即廣也四書生
曰江陵購廣戮于京師廣則死矣何至今日尊師復

稱為曾廣耶。道士曰：妖民為亂，誣及某耳。某不出，世人不知曾廣矣。夫得仙道者，後天地，彫三光，劫數災厄，所不能害。况兵刃之屬耶？爾時某既隱形而去，江陵知不可得，遂出一獄中，死囚斬之，以立威殺欺天下耳。某則曾廣之本身也。憶長安市中遊戲，不覺五六年來，真如夢境矣。語畢，四書生復下拜曰：不知尊師是神仙也。寧有變化之術，指示吾曹一二乎？道士曰：唯三。即下堦，負牆而立，却逸入壁中去。莫知所向。衆相聚看壁，移時，迴顧室中，向之盤筵歌舞，寂亡見矣。視所撤器，皆燦然真金，益大駭愕。明日，報杭城傳金吾家讌客，伎女無故仆地，病如中瘧。怪風驟起，客

皆逃散。迨至夜分。伎女方寤。席上失去銀器多矣。懸賞捕賊。四書生急渡江。變易其器。無從踪跡。有人親見書生祝說之也。

玉峰老人

玉峰老人姓玉。失其名。不知何來。嘗僦居京師象房側。楚人兵部王員外止之官邸中。叩其秘。黃白之術最高。惟以交接補導。取精玄牝。不失人間之樂而已。數娶小妻。並好女。輒棄之。經歷四方年。多人皆奇其不死。諸少年嘗構之以禍。長吏械收。繫諸請室。時比部嚴郎中知其有術。力為之庇。得從輕釋。流海外。官鬻其妻。娶郎中陰。令補值領去。其後郎中為閩南太

守挂冠歸吳門、曾遣人推求蹤跡、老人直至吳下、郎
中益竒待之、諸公書幣相屬、略無所受、旋亦告別、視
其襪中、不畜一錢也、而資斧未嘗困乏、有所得、復散
賜與貧窮者、然老人多變怪之事、能撮土掌中、捻之
即成銀、居京師時、遇相識人至、向地拾小泥塊、為丸
用紙裹好送之、曰、無他相贈、將意而已、其人還自邸
舍、解出裹泥、已爰上金、光燭一室、人家或請老人會
同飲酒、見盤中所飮、梧子、榛松之屬、戲裹幾粒、以貽
親知、隨核大小、悉化銀珠矣、若還貯于盤中、復如故
噫、自古神仙煎泥成金、未聞有灵幻如此乎、固非常
智之所及也、玉霞子語余云、老人每出、不持資糧、還

居京師則飲食居處妻妾僕從皆享豪奢與富人無異不出三年數易其處人以道叩之則曰我無道也世傳其二百五十歲矣長安諸貴人甚尊禮之而不待一言楚人祝石韋受其傳嘗曰玉峰老人豈止二百五十歲乎是周秦以上人也玉霞子又云此人忽老忽少顏色一日三變早起則枯瘠若窮餓人少頃則龐髮秀眉常如童子顏色午後則轉為美少年可二十左右許人皆以為得老彭補腦還元之術以此見駭于世矣

赤松子遺藥

相傳福建將樂縣玉華洞中一石函內有五色石丸

光瑩圓潔大如梧桐子不可筭數俗傳是仙人所遺
葉九也有道者得入而取之旋取旋有相沿至今未
嘗闕乏肉人往取多不能出按玉華洞在天階山下
赤松子採藥處也豈即松子所遺藥乎

羅浮隱者

萬曆近年間有一道人云自嶺南來號羅浮隱者數
往來江南諸貴人家飲酒啖麤肉如常人而獨無溺
矢諸貴人使從者潛守覘之竟日不見其溺亦未嘗
如廁也無不驚異後將西歸羅浮至京口宿于食店
店人惟供設諸商賈人而不顧隱者隱者戟手大罵
遂出杖頭錢別買數膳取酒一斛連啖恣嚼凡盡數

器而臥。此店人忽稱腹漲如廁洞下不止。展轉告急。幾不自持。諸商販人共驚異之。登樓見隱者方枕一酒壺眠熟。疑其呪術所為。再三呼之。乃起坐。衆曰。主人腹疾。先生豈有藥治之乎。隱者大咲曰。吾飽食故遣無賴代起溺矢與作小劇耳。令他日更莫慢客也。于是諸商販人爲之謝過。頃臾店人腹中平復如故。

馬西風

馬西風者。不詳何自。或云得道仙人也。永新彭明府少好道。不樂爲縣。解官歸雲水羽流。居常滿座。一日有花籃魚鼓道士闖入其室。彭遽起延坐。徵姓名。道士曰。我馬西風也。籍甚道名。願承眉宇。故來覲耳。彭

傾左右進茶道士曰、貧道從武夷山來、攜得旂旗數
葉烹方熟、請出奉餉、取懷中葫蘆瀉之、香茗二盞、甘
冽殊常、兩人飲罷、彭傾左右置酒、道士又曰、酒亦貧
道所有、是湘水造成、卽醪酒也、別注一壺、如宦股、傾
之不竭、搬出葫蘆中有核種之、並珍怪之食、彭大驚、
至暮告別、固留之不可、曰、子所交者、非吾侶也、能從
我游、請以明晨會于某坊可矣、彭許諾、道士忽擲杯
梁上、化為雙燕、飛鳴啾啾、衆咸駭視、回顧座中、已失
道士所在矣、彭自以得遇真仙、大喜過望、通夕不寐、
辨色而興、如言訪之、道士已先在坊下、傾而謂曰、子
真有心哉、趣與俱行、可數十里、終至一出絕處、泉

香石翠花媚草。望見繡嶂丹崖。高出天半。彭心訝其非世間也。忽起家念。告道士曰。某來時。未與妻子言別。師能容我暫歸乎。道士長息而語曰。信哉。凡夫之難度也。子歸則歸耳。何云暫耶。彭叩頭遜謝。道士出囊中紅霞米二升。賜之。誠曰。煮三粒作湯。可療百病。勒行施捨。慎勿秘惜。米盡。則子遷化之期也。言既訖。然隱去。彭乃悵惘還家。以此米施人。最多靈驗。壽至百餘歲。米將盡矣。呼家人治具。邀親昵。宴游讌會。數日。沐浴衣冠。與衆辭別。俄聞堂中起異香。二風普越。遂端坐而化。楚人王兆雲記其事甚核。

白崖老祖

白崖老祖者、雲南真定府人、故軍民司土官也。能取
水銀吞服之、運自己真鉛真汞、內鍊成丹、經三日吐
出、每兩加赤銅三錢銷之、燦然上金矣。此丹銀與外
丹假借藥物火候工夫者不同。第未知五百年後變
否耳。闍人陳履吉、或稱是故尚書。嘗棄家從白崖游、
隱于雁飛三楨嶺。即閭索嶺至今尚存。萬曆年間、樵里朱
九成時在彼、因詣白崖問道。白崖憫其游薄、思以拯
濟、令致水銀一兩、九成既市水銀、三度進之、一、二、嚥
而吐還、時已成小餅、甚堅如石。甚子許大、果好銀
也。後所求太多、怒其貪、叱而遣去。是時老祖受沐府
供養、計年八十餘矣。

金竹

金竹者常熟縣西湖南人也常夢游一處沿溪數里
桃花爛開風景幽奇異異人世溪行盡處有高山峰
巒秀拔儼然畫圖山之曲石洞在焉其中嘉禾交蔭
美箭成林掩映樓臺都隔流水視其所陌路極又皆
宛若舊識竹心怪之俄入一茅廬房櫳甚潔堂中有
春帖子一聯題曰流水桃花仙路杳白雲紅日洞門
長細玩之恍是竹前生手跡既寤便大慙與家人及
鄉里別而去不知所之萬曆間曾玄中有為諸生者
特往踪跡見之于終南山張秀才應選說

柴紫溪先生者、崑山人、大京兆柴黼仲兒也。生四子、其年四十三歲、一日之間、三子相續而亡、獨存幼者尚在襁中、因茲痛憤不勝、便棄妻子出家、竟入終南山、家人每歲餽餉不絕、後盡却之、誠云、此中但少沙餽、二三百歲老人多嗜之、相為致少許、餘無所需也。其家載饌果數車給焉、至則分遺山中道侶、後以為煩、亦併却絕、停數年、襁中兒已長大、為諸生、特詣終南、先生見即謝去、明日人與庵皆不知所在、兒無以尋求焉、自爾絕跡。余師耆宿章程說之。

石梅道人

弘治間、常熟有陸大參公潤者、為温州守、有聲御史

為之豎五馬坊于門。少時閒行至虞山下。遇一道人。坐青荷葉上。傍故有枯梅一株。此道人立吮之。開花滿樹。潤大驚。拜之。還折一枝以還。有頃失。道人所在。明日與朋游共往看花。亦亡所見矣。其地遂名為梅在初。平石之西。亦章程先生說。

髯道士攝李月華魂

萬曆庚辰。北直隸順德府理刑署中書記王沼。家居鄉墅。落魄花柳之間。有角奴李月華者。京師教坊色藝双絕。因避仇。潛居墅上。與沼往來情濃。沼常服役府城。多歆道觀。遇雲水髯道士。姿狀高古。姓名不妄。亦在觀中旅泊。一日天暮。月光皎然。沼貰酒與道士。

歡飲、迨夜分矣、忽思月華欲詣其家、暫與道士取別、
道士曰、夜已央、君不能去也、且李娘此時、赴側近貴
人家陪宴、某為君邀至可乎、但不得妄與酒飲、則
敗吾事矣、約束殷勤、詔亦許諾、道士乃以手按沼頭
著壁、閉其兩目、口喃喃、讀呪文、呪已、方使開目、趣炳
炬照屏風外、見月華冉冉、自樹影中來、形貌裝束、宛
如平生、手携琵琶而至、便命促席並坐、弄絃成曲、彈
出湘妃怨、淒然竹枝娘、三之聲、道士起而長嘯、引以
相和、其音清越、如黃雀啖空、漸遠而沒、月華于座上
數目、王郎不已、詔亦凝睇久之、私視其懷中琵琶、乃
紫檀槽、邏背刻潯陽秋三字、宛是李家故物也、訝不

敢言。彈竟。已是四鼓。月華告歸。既行至步廊下。詔強持一卮往灌之。道士怒曰。若病狂耶。頃忘前誠乎。連催月華下階。推仆于地。化為烟氣而滅。詔悵々益怪其事。目曉未交。際曉。還訪月華。不辭道士而去。及門月華尚未起也。視琵琶歷然在壁。問其晏眠之故曰。夜來夢中見天使追去。玉虛宮仙官命錄奏樂。驚不自持。卿何為亦在座。得無以人命戲乎。方知所攝者。李姬之魂也。詔惋怛移時。重訪道士。杳不知所跡矣。海寧陳太常與郊。時為順德理。話于座人。

楊太真

毘陵胡郡丞澄。自言家中書舍。夜數有奇香異光。仍

聞管絃歌舞聲就視都無所有、但見花陰月影而已、
如此者經旬、其後家人于隔牆引梯而望、隱隱見堂
內銀屏珠箔之下、坐一神女、容姿曠世、侍衛者二十
餘人、皆麗色、乃大駭、足戰而下、明日開戶寂然、舉頭
見七尺絹素屏風上、有畫楊太真唐宮夜宴圖、問之
張平山、平山曰、衆僉謂曰、是矣、撤去、收篋中、其夜遂絕
跡、青瑣高議載宋人秦子履所談溫泉記、以今徵之、
似非荒唐

桂花仙子

錢塘一士人、少年狂蕩、其妻早亡、獨居廓處、偶于市
中購得唐解元絹畫桂花仙子圖、一軸、懸之書齋、日

夕倚案瞪目注視。念欲得嘉耦。如圖中人。凡園有花
果。必採擷以爲。一夕有女郎年可十六七。容顏姣麗。
裳衣輕妍。從月色中來。士人詢其居。笑而應曰。家
在墻東。士人心意東鄰。無是子也。但貪慕艷色。狂不
自制。擁之入帷。妖態橫生。曲盡歡昵。凌曉趣辭去。定
昏之後。復來自是夕。無間。每至。則空中起異香。枕
席皆芬。時說蓬萊閨苑之事。士人頗訝異之。經數旬。
而內外親表及臧獲輩。竊之倚聽穴壁而窺。乃絕代
姿首。世所無也。驚爲狐魅之屬。乘士人他出。陰引南
昌道士來治之。道士吐匣中青蛇。遍索。因指此圖。謂
曰。非爾爲祟耶。可嘗吾劍。忽應曰。身是崑崙山女。與

此卽有累世姻緣、是以暫諧繾綣耳、鄉有何禁術、而
欲制我乎、復語其減輩、獲曰、君家如此行徑、不可留
矣、其聲若出畫中也、語未畢、道士裂睛上視、持劍自
抵其胸、反走出門、家人忙怖號叫、急謀焚毀此畫、俄
頃畫晦、忽有怪風暴起、雲埃四合、弥漫一室、移時朗
然、聞其像神如洗矣、隱々漸失所在、久之空輒而已、
里中數歲小兒、並見綃衣神女、羅襪行空而去、士人
婦驚訊其事、方悟神仙之遊、臂粧衣香、氤氲不散者
經月、悽恻宛轉、凝望無聊、廣延畫師、好手數十家、重
寫其真、莫能髣髴、於是乃止、終身不復琴瑟焉、好事
者賦無題數章、紀之余、記其一詩曰、玉京仙路杳冥

冥鳳拆鸞飛去不停泣。盡雲軒何日返。教人遺恨失丹青。此于唐小說中真。避劍。及黃花寺壁。寧王畫馬化去之。事千載合轍矣。豈解元之畫神妙通靈一。至是乎。張文煥秀才親見其事說之。

陳朝後主妃墓

萬曆中江南大旱之歲、丹陽縣開家湖水涸、居民刈藁其中、錡下、鏗然有聲、深之三尺、掘得一古石函、二中有沉香棺木、懼不敢發、仍覆焉、其家五子、延姚江老先生為師、密謀于老先生發之、既剖、見棺中一美婦人、開目却活、肌膚容貌儼然如生、殉物形製都非近世有、而指甲與髮、纏繞徧棺矣、惟衣服觸風成灰耳、自

稱是陳朝後主妃、葬于此鍊形千年、命合更生、不知
今何代也、談說亡國時、歷々可聽、欲振衣而起、衆以
為鬼、乃推刃戕之、歎息而絕、推尋其墓之側、有古碑
在、先生驗之、果然、後為隣仇所發、縣令取丹陽志考
求其地、委有陳後主妃墓焉、悉以劫賊論、至抵死、幸
先生碎其碑、事遂寢、而沉香棺沒入庫中、至今尚存、
蓋修太陰鍊形之術、而功滿當昇者也。

沈休文女墓

萬曆庚寅年間、吳興西塞山中一大古墓、山民發之
十餘日、乃開、中有石誌、識是梁昭明太子妃沈休文
女之墓、既得梓棺、遂破為、見一好女子、顏面如生、被

髮長三尺旋繞其髻金冠繡裳如王妃服製棒髻有
大白簪長可徑尺紫磨跳脫宛在臂間急呼曰某得
大陰鍊形之術數千年已滿今旦暮活矣慎勿傷某
體膚將重報汝盜不聽急攘其臂間跳脫不得因斫
數刀臂斷遂絕得其中寶玩可萬緡是夕感夢于縣
令祈求理寃令即余友袁君光宇也遣吏往驗而已
竟不收問其事遂寢盜發棺者無疾而死袁君旋擢
為尚書郎治河張秋以河從俱罪一夕暴死人咸以
為陰譴云吳人王微君穉登嘗賦吳興竹枝詞以紀
其事詩曰沈休文女昭明妃陵谷千年事已非盜發
墓門取宝玉生時花貌葬時衣有工字研為袁令取

去玉簪今在嘉禾沈司馬思孝家王先生曾見之白
如脂肪云是道簪非婦人飾也相傳西塞山脉所結
最高處有娘之廟莫知所始妃墓在焉娘之即妃是
矣

紫霄宮道人

萬曆初年有一雲水過吳門自稱紫霄宮道人膚革
如錢足跣不着履每夜露其頂危坐中庭時方積雪
凝寒了不為異其隨行弟子海雨善行草說是楚諸
生或云道人即玉虛子也姓李能於掌握起風雷造
集仙樓于武當山中昔游長安春官侍郎韓世能師
事之後隱去莫測所終陳旃說

孔道人神美會禪師立命

滇南孔道人、不得名、修髯偉貌、飄若仙者、得邵子皇極教正傳、雲游江南、至嘉興縣、舍于慈雲寺、時秀水袁黃儀鄉、因早喪、父母失奈、將棄、奉業為匠、適遇道人于市中、敬而禮之、道人語曰、子仕路中人也、明年即補邑諸生矣、何不肄業、袁告之故、引之歸家、試其數、每言小事、無不必驗、遂起名場、之思謀于表兄沈稱、言郁海谷先生在沈家設帳、送汝寄學、甚便、袁遂禮郁為師、道人為袁起數、縣童子試、當十四名、郡試七十一名、督學試第九名、明年赴考、三、屢名數皆合、復與之卜、終身否泰、言某年考第九名、某年當補

康某年當貢、後某年當選四川一縣令、在任二年
卒、即宜告歸、五十三歲八月十四日丑時當終、袁偉
其言拜而受教、是日改號了凡子、蓋悟立命之說、而
欲不落凡夫窠臼耳、明年秋官考太學科舉、道人笑
定第三、忽考第一、其言不驗、而秋闈中式後、行善事
如故、竟生子登第、授寶坻縣令、五十三歲時、安然無
恙、後官至禮部郎而歸、平生休咎、毫無驗者、袁因著
省身錄、示其家兒、竟以壽終于家

北京神相數

武宗朝江陰大豪周機、字安卿、家財百萬、廣結朝貴、
入賢太學、因赴舉詣京師、聞西山真空寺老僧神相、
與尉馬隆平侯三人一等粧束、聯騎而行、既至、老僧

迎門三人拱揖而入。僧相駙馬曰：金枝玉葉帝子姻親，相隆平度曰：昨土分某勛臣之冑，後相至，換歎曰：富長者可惜，可惜好匹大紅羅，只是尺頭短，君可至四十二矣。時年三十有六，撫聞斯促報，急理歸鞍，部署家事，以待死期。至是歲，果無病而亡。恨失老僧姓名也。世廟中，京師有神數馮瞎子，開肆長安街上，初不知名，時新鄭相公高拱方居首揆，掃門無客。馮忽詣相府前踐溺，其下虞候數十人蜂擁而至，訶是何人，共相責問。馮牽首云：莫攔阻我，相公三日後且去位也。衆以為狂。新鄭偶在堂上，聞此說，默然不言。

戒左右善遣之、果三日而聖怒不測、下罷相之命矣。
新鄭既出順成門、急使人四出追覓馮晤子、時馮已
束行李候立道傍曰、相公無憂、不出三年家居、尋當
召還政府、某送相公至家、仍伴來京也、新鄭抵家、終
三年、果有後命、馮興俱入長安、廣蒙薦引、致數萬金
而歸、此太原徵君說

猶園卷之三終